

SOALAN NO: 30

**PEMBERITAHU PERTANYAAN
DEWAN RAKYAT, MALAYSIA**

PERTANYAAN : LISAN
DARIPADA : TUAN LIM LIP ENG [SEGAMBUT]
TARIKH : KHAMIS, 2 NOVEMBER 2017
RUJUKAN : L5 [PR-1353-L03730]
SOALAN :

Tuan Lim Lip Eng [Segambut] minta MENTERI WILAYAH PERSEKUTUAN menyatakan mengapa kebenaran merancang bersyarat bertarikh 28/2/2017 bagi cadangan pembangunan di Taman Rimba Kiara gagal dizahirkan/dimaklumkan kepada pembantah walaupun DBKL telah berkali-kali sebelum Julai 2017 diminta mengesahkan status cadangan pembangunan itu dan butiran bayaran berkaitan yang dibayar oleh Tetuan Memang Perkasa kepada Yayasan Wilayah Persekutuan setakat ini.

Tuan Yang di-Pertua,

Untuk makluman Yang Berhormat Segambut, pihak Dewan Bandaraya Kuala Lumpur (DBKL) tidak pernah mengeluarkan Kebenaran Merancang bersyarat bertarikh 28 Februari 2017 bagi cadangan pembangunan di Taman Rimba Kiara.

Pihak DBKL hanya mengeluarkan Kebenaran Merancang (kelulusan Perintah Pembangunan) bertarikh 13 Julai 2017 di tapak bersebelahan dengan kawasan Taman Rimba Kiara (di Lot PT 9244, Jalan Tun Mohd Fuad, Kuala Lumpur).

Untuk makluman Ahli Yang Berhormat juga, pihak DBKL melalui proses Kaedah 6 telah memaklumkan keputusan permohonan di Lot PT 9244 ini kepada pembantah-pembantah pada 3 Ogos 2017 selaras dengan peruntukan Akta (Perancangan) Wilayah Persekutuan 1982, (AKTA 267).